



Broj: 15-03-16-5-60-54/22
Datum: 21.10.2022. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), člana 69. stav (2) tačka e) i člana 70. Zakona o javnim nabavkama („Službeni glasnik BiH“, br. 39/14 i 59/22), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

O D L U K U **o poništenju postupka nabavke**

Član 1.

Poništava se postupak javne nabavke **система за виртуелизацију – LOT 3 – додатне серверске опреме**, objavljen na Portalu javnih nabavki Bosne i Hercegovine, Obavještenje o nabavci broj 1110-1-1-58-3-82/22 od 25.8.2022. godine, a koji je proveden otvorenim postupkom.

Član 2.

Ova odluka se dostavlja grupi ponuđača u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom donošenja.

O b r a z l o ž e n j e

Nakon preduzetih aktivnosti, Komisija za provođenje postupka javne nabavke sistema za virtuelizaciju (u daljem tekstu: Komisija) je konstatovala da je rok za prijem ponuda u postupku 10.10.2022. godine do 10:00 sati, te da je do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) za LOT 3 dodatnu serversku opremu pristigla jedna (1) ponuda i to grupe ponuđača Roaming Networks d.o.o Banjaluka i Bosnien Business Systems d.o.o. Sarajevo. Neblagovremenih ponuda nije bilo.

Komisija je prema uslovima i specifikaciji navedenoj u Tenderskoj dokumentaciji, a nakon provedenog postupka analize i ocjene ponude, izradila Zapisnik o pregledu i ocjeni ponuda, broj 15-03-16-5-60-49/2022 od 19.10.2022. godine, u kojem su detaljno obrazloženi razlozi za poništenje ovog postupka javne nabavke.

U skladu sa navedenim zapisnički je utvrđeno da ponuda grupe ponuđača Roaming Networks d.o.o Banjaluka i Bosnien Business Systems d.o.o. Sarajevo dostavljena na propisan način, uvezana i numerisana u skladu sa zahtjevima iz Tenderske dokumentacije.



Zatim je izvršen pregled i ocjena ponude u smislu da li postoje razlozi za isključenje ponuđača, kao i analiza ispunjavanja uslova za ličnu, ekonomsko – finansijsku, tehničku i profesionalnu sposobnost ponuđača, te je utvrđeno da je ovaj ponuđač kvalifikovan jer su na propisan način dostavljeni svi traženi dokumenti i dokazi za kvalifikaciju. Pristupljeno je, potom, analizi ponude u pogledu ispunjenja zahtjeva prema opisu predmeta nabavke i tehničke specifikacije propisane Tenderskom dokumentacijom, nakon koje je utvrđeno da je ponuda ove grupe ponuđača prihvatljiva.

U postupku ocjene ponude u pogledu cijene Komisija je utvrdila da je grupa ponuđača Konzorcijum Roaming Networks d.o.o. Banja Luka – Bosnian Business Systems d.o.o. Sarajevo dostavila ponudu čija cijena bez PDV-a iznosi 151.996,00 KM, što sa PDV-om iznosi 177.835,32 KM, a da procijenjena vrijednost nabavke za LOT 3 iznosi 106.837,61 KM bez PDV-a, odnosno PDV-om ukupno 125.000,00 KM. Na osnovu iskazane cijene u ponudi i procijenjene vrijednosti je zaključeno da je dostavljena cijena ponude, u odnosu na procijenjenu vrijednost i osigurana sredstva za ovu nabavku, veća za 45.158,39 KM bez PDV-a, odnosno 52.835,32 KM sa PDV-om, što u procentima iznosi 42,26%.

Imajući u vidu navedeno a po provedenim aktivnostima pregleda i ocjene, Komisija je utvrdila da je cijena jedine dostavljene i prihvatljive ponude znatno veća od osiguranih sredstava i procijenjene vrijednosti nabavke, zbog čega je predložila donošenje odluke o poništenju ovog postupka javne nabavke u skladu sa članom 69. stav (2) tačka e) Zakona o javnim nabavkama.

Na osnovu prijedloga Komisije, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda zakona i podzakonskih akata od strane Agencije u postupku javne nabavke. Žalba se izjavljuje u roku od 10 (deset) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

X



DIREKTOR

Dr. sc. Arif Nanić

дигитално потписано / digitalno potpisano / digitally signed
Signed by: RTBLC